

Funksionet dhe detyrat e UISH

Urdhri i Infermierit është ent publik jobuxhetor, i cili përfaqëson interesat e përbashkët të profesioneve të infermierit/es, mami, fizioterapeftit/es, teknikut/es të/së laboratorit, teknikut/es të/së imazherisë dhe logopedistit/es, si dhe rregullon marrëdhëniet ndërmjet tyre, në funksion të publikut.

Urdhri i Infermierit ka si mision ruajtjen e standardeve të miratuara nga Ministri i Shëndetësisë, në ushtrimin e profesionit infermier/e, mami, fizioterapeft/e, teknik/e laboratorit, teknik/e imazherie dhe logopedist/e, nëpërmjet mbikëqyrjes së normave të etikës dhe të Kodit Deontologjik të profesioneve infermier/e, mami, fizioterapeft/e, teknik/e laboratorit, teknik/e imazherie dhe logopedist/e, si dhe mbrojtjes së pacientëve dhe të publikut nga kequshtrimi i profesionit të infermier/e, mami, fizioterapeft/e, teknik/e laboratorit, teknik/e imazherie dhe logopedist/e.

Në përmbushje të këtij misioni, Urdhri i Infermierit:

- a) kryen regjistrimin e infermier/e, mami, fizioterapeft/e, teknik/e laboratorit, teknik/e imazherie dhe logopedist/e në regjistrin përkatës të këtij urdhri;
- b) mbikëqyr zbatimin e detyrave profesionale, në përputhje me kërkesat e shkencave mjekësore, rregullat e etikës dhe Kodin Deontologjik;
- c) siguron udhëheqjen etiko-morale e deontologjike të bashkësisë së infermier/e, mami, fizioterapeft/e, teknik/e laboratorit, teknik/e imazherie dhe logopedist/e, pavarësinë e ushtrimit të profesionit dhe mbron interesat moralë të këtij profesioni;
- ç) mbron interesat e pacientëve dhe të publikut nga kequshtrimi i mjekësisë dhe shkelja e Kodit Deontologjik Mjekësor nga ana e infermier/e, mami, fizioterapeft/e, teknik/e laboratorit, teknik/e imazherie dhe logopedist/e;
- d) bashkëpunon për zhvillimin e standardeve profesionale, për planifikimin dhe hartimin e programeve të formimit profesional për realizimin e specializimeve të ndryshme dhe të edukimit në vazhdim të infermier/e, mami, fizioterapeft/e, teknik/e laboratorit, teknik/e imazherie dhe logopedist/e;

dh) konfirmon anëtarësinë në Urdhrit e Infermierit, nëpërmjet dhënies së certifikatës së anëtarësimit.

e) garanton që anëtarët e Urdhrit përmbushin detyrimet e programit të ricertifikimit, të vendosur nga institucioni përkatës.

Urdhri i Infermierit përbëhet nga infermierët dhe mamitë fizioterapeft/e, teknik/e laboratorit, teknik/e imazherie dhe logopedist/e që kanë diplomën përkatëse dhe që e ushtrojnë profesionin në Republikën e Shqipërisë.

Shtetasit shqiptarë dhe të huaj, të diplomuar si infermierë ose mami fizioterapeft/e, teknik/e laboratorit, teknik/e imazherie dhe logopedist/e në Republikën e Shqipërisë, bëhen menjëherë anëtarë të Urdhrit, me pagimin e kuotizacionit dhe regjistrimin pranë tij.

Anëtarë të Urdhrit të Infermierit bëhen edhe të gjithë infermierët dhe mamitë, fizioterapeft/e, teknik/e laboratorit, teknik/e imazherie dhe logopedist/e shtetas shqiptarë dhe të huaj, të diplomuar jashtë vendit, pas njohjes së diplomës, sipas legjislacionit në fuqi.

Shtetasi i huaj, që të ushtrojë profesionin e infermierit dhe mami fizioterapeft/e, teknik/e laboratorit, teknik/e imazherie dhe logopedist/e në Republikën e Shqipërisë, duhet të jetë anëtar relativ i të njëjtit urdhër në vendin e vet ose në vendin ku së fundi ka ushtruar këtë profesion.

Përrjashtohen nga ky detyrim, por jo nga e drejta e anëtarësimit në këtë organizëm, nëpunësit e administratës shtetërore, për sa kohë ata nuk ushtrojnë veprimtari të mirëfilltë si infermier/e, mami, fizioterapeft/e, teknik/e laboratorit, teknik/e imazherie dhe logopedist/e.

Urdhri i Infermierit, gjatë kryerjes së detyrave, mban lidhje të vazhdueshme me ministrinë përgjegjëse për shëndetësinë dhe institucionet e saj të varësisë si dhe me ministrinë, institucionet qendrore dhe organizma të tjerë publikë ose jopublikë, të krijuar sipas legjislacionit në fuqi.

Urdhri i Infermierit informon çdo 6 muaj ministrinë përgjegjëse për shëndetësinë për anëtarësimet e infermierëve, mamive, fizioterapeftëve, teknikëve të laboratorit, teknikëve të imazherisë dhe

logopedistëve, për gjykimet disiplinore dhe ecurinë e tyre në të gjitha shkallët e gjykimit profesional. Ky informacion publikohet edhe në faqen e internetit të Urdhrit.

Inspektorati Shtetëror Shëndetësor bashkëpunon me Urdhrin e Infermierit gjatë ushtrimit të funksionit të tij.

Ministria përgjegjëse për shëndetësisë bashkëpunon me Urdhrin e Infermierit për hartimin e projektligjeve dhe të dokumenteve të rëndësishme në fushën e shëndetësisë.